

刘宾客文集

卷五

劉賓客外集卷第一

正議大夫檢校禮部尚書兼太子賓客贈兵部尚書劉禹錫

詩

翰林白二十二學士見寄詩一百篇因以答貺  
吟君遺我百篇詩使我獨坐形神馳玉琴清夜人不語  
琪樹春朝風正吹郢人斤斲無痕跡仙人衣裳棄刀尺  
世人方內欲相尋行盡四維無處覓

始至雲安寄兵部韓侍郎中書白舍人二公近  
曾遠守故有屬焉

天外巴子國山頭白帝城波清蜀村盡雲散荒臺傾迅  
瀨下哮吼兩岸勢爭衡陰風鬼神過暴雨蛟龍生破斷

見孤邑江流照飛甍  
蠻軍擊嚴鼓  
策馬引雙旌  
望闕遙拜舞  
分庭備將迎  
銅符一以合  
文墨紛來繁  
暮色四山起  
愁猿數處聲  
重關羣吏散  
靜室寒燈明  
故人青霞意  
飛舞集蓬瀛  
昔曾在池籞  
應知魚鳥情

白舍人自杭州寄新詩有柳色春藏蘇小家之  
句因而戲酬兼寄浙東元相公

錢塘山水有奇聲  
鼙謫仙官有百城  
女妓還聞名小小  
使君誰許喚卿卿  
鰲驚震海風雷起  
蜃鬪噓天樓閣成  
莫道騷人在三楚  
文星今向斗牛明

春日書懷寄東洛白二十二楊八二庶子

曾向空門學坐禪  
如今萬事盡忘筌  
眼前名利同春夢

醉裏風情敵少年野草芳菲紅錦地游絲撩亂碧羅天  
心知洛下閑才子不作詩魔卽酒顛

白舍人見酬拙詩因以寄謝

雖陪三品散班中資歷從來事不同名姓也曾鐫石柱  
詩篇未得上屏風甘陵舊黨彫零盡魏闕新知禮數崇  
煙水五湖如有伴猶應堪作釣魚翁

白舍人曹長寄新詩有遊宴之盛因以戲酬

蘇州刺史例能詩西掖今來替左司二八城門開道路  
五千兵馬引旌旗水通山寺笙歌去騎過虹橋劒戟隨  
若其吳王鬪百草不如應是欠西施

蘇州白舍人寄新詩有歎早白無兒之句因以

贈之

莫嗟華髮與無兒，卻是人間久遠期。  
雪裏高山頭白早，海中仙果子生遲。  
于公必有高門慶，謝守何煩曉鏡悲。  
幸免如新分非淺，祝君長詠夢熊詩。

高山本高于門使  
之高二義有殊古

曉此詩流

和汴州令狐相公到鎮改月偶書所懷二十二

韻

受脹新梁苑，和羹舊傅巖。  
援毫動星宿，垂釣取韜鈐。  
赫奕三川至，歡呼百姓瞻。  
綠油貔虎擁，青紙鳳凰銜。  
外壘曾無警，中廚亦罷監。  
推誠人自服，去殺令逾嚴。  
赳赳容皆飾，幡幡口盡鉗。  
爲兄憐庾翼，選婿得蕭咸。  
鬱屈咽喉喉。

地駢闐水陸兼渡橋鳴紺幙入肆颺雲帆端月當中氣  
東風應遠占管絃喧夜景燈燭掩寒蟾酒每傾三雅書  
能發百函詞人羞布鼓遠客獻貂襜歌榭白團扇舞筵  
金縷衫旌旗遙一簇烏履近相攏花樹當朱閣晴河逼  
翠簾夜風飄颻魏燭淚滴巉巖玉罌虛頻易金爐暖重  
添映鑊窺豔隔袖見纖纖謝傅何由接桓伊定不凡  
應憐郡齋老旦夕鑄霜鬚

白太守行

聞有白太守棄官歸舊谿蘇州十萬戶盡作嬰兒啼太  
守駐行舟閨門草萋萋揮袂謝啼者依然兩眉低朱戶  
非不崇我心如重狴華池非不清意在寥廓棲夸者竊

所怪賢者默思齊我爲太守行題在隱起珪

酬樂天揚州初逢席上見贈

巴山楚水淒涼地二十三年棄置身懷舊空吟聞笛賦  
到鄉翻似爛柯人沈舟側畔千帆過病樹前頭萬木春  
今日聽君歌一曲暫憑盃酒長精神

同樂天登棲靈寺塔

步步相攜不覺難九層雲外倚欄杆忽然語笑半天上  
無限遊人舉眼看

罷郡歸洛途次山陽留辭郭中丞使君

自到山陽不許辭高齋日夜有佳期管絃正合看書院  
語笑方酬各詠詩銀漢雪晴褰翠幕清淮月影落金卮

洛陽歸客明朝去容趁城東花發時

楚州開元寺北院枸杞臨井繁茂可觀羣賢賦詩因以繼和

僧房藥樹依寒井井有香泉樹有靈翠黛葉生籠石聳殷紅子熟照銅瓶枝繁本是仙人杖根老新成瑞木形上品功能甘露味遠知一勺可延齡

和樂天鸚鵡

養來鸚鵡觜初紅宜在朱樓繡戶中頻學喚人緣性慧偏能識主爲情通斂毛睡足難銷日蟬翅愁時願見風誰遣聰明好顏色事須安置入深籠

歲杪將發楚州呈樂天

楚澤雪初霽楚城春欲歸清淮變寒色遠樹含晴暉原  
野已多思風霜潛減威與君同旅鴈北向刷毛衣

洛中逢白監同話遊梁之樂因寄宣武令狐相

公

曾經謝病各遊梁今日相逢憶孝王少有一身兼將相  
更能四面占文章開顏座內催飛蓋迴首庭中看舞槍  
借問風前兼月下不知何客對胡牀

河南王少尹宅宴張常侍白舍人兼呈盧郎中

李員外二副使

將星夜落使星來三省清臣到外臺事重各銜天子詔  
禮成同把故人盃捲簾松竹雪初霽滿院池塘春欲迴

# 第一林亭迎好客殷勤莫惜玉山頽

## 鶴歎二首 并序

友人白樂天去年罷吳郡挈雙鶴雛以歸予相遇於揚子津閑翫終日翔舞調態一符相書信華亭之尤物也今年春樂天爲祕書監不以鶴隨置之洛陽第一日也入門問訊其家人鶴軒然來睨如記相識徘徊俛仰似含情顧慕墳膺而不能言者因作鶴歎以贈樂天

寂寞一雙鶴主人在西京故巢吳苑樹深院洛陽城徐引竹閒步遠含雲外情誰憐好風月鄰舍夜吹笙東鄰王

家

丹頂宜承日霜翎不染泥愛池能久立看月未成棲一

院春草長三山歸路迷主人朝謁早貪養汝南雞

有所嗟

庾令樓中初見時武昌春柳鬪腰肢相逢相笑盡如夢爲雨爲雲今不知

鄂渚濛濛煙雨微女郎魂逐暮雲歸只應長在漢陽渡化作鴛鴦一隻飛

答樂天臨都驛見贈

北固山邊波浪東都城裏風塵世事不同心事新人何似故人

再贈樂天

一政政官軋軋一年年老駸駸身外名何足算別來詩

且同吟

和裴相公傍水閑行

爲愛逍遙第一篇時時閑步賞風煙看花臨水心無事  
功業成來二十年

和宣武令狐相公郡齋對新竹

新竹翛翛韻曉風隔窗依砌尙蒙籠數閒素壁初閑後  
一段清光入座中敲枕閑看知自適含毫朗詠與誰同  
此君若欲長相見政事堂東有舊叢

答白刑部聞新蟬

蟬聲未發前已自感流年一入淒涼耳如聞斷續絃晴  
清依露葉晚急畏霞天何事秋卿詠逢時一悄然

和裴相公寄白侍郎求雙鶴

皎皎華亭鶴未隨太守船白君罷吳郡太守攜雙鶴青雲意長在滄海到經年留滯清洛苑徘徊明月天何如鳳池上雙舞入祥煙

和樂天送鶴上裴相公別鶴之作

昨日看成送鶴詩高籠提出白雲司朱門乍入應迷路玉樹容棲莫揀枝雙舞庭中花落處數聲池上月明時三山碧海不歸去且向人閒呈羽儀

終南秋雪

南嶺見秋雪千門坐早寒閑時駐馬望高處捲簾看霧散瓊枝出日斜鉛粉殘偏宜曲江上倒影入清瀾

闕下待傳點呈諸同舍

禁漏晨鐘聲欲絕旌旗組綬影相交殿舍佳氣當龍首  
閣倚晴天見鳳巢山色蔥龍丹檻外霞光泛濫翠松梢  
多慚再入金門籍不敢爲文學解嘲

和樂天早塞

雨引苔侵壁風驅葉擁階久留閑客話宿請老僧齋酒  
甕新陳接書籤次第排翛然自有處搖落不傷懷

和樂天以鏡換酒

把取菱花百鍊鏡換他竹葉十分盃嚬眉厭老終難去  
蘸甲須歡便到來妍醜太分迷忌諱松喬俱傲絕嫌猜  
校量功力相干萬好去從空白玉臺

同樂天送河南馮尹學士

可憐玉馬風流地，慙輟金貂侍從才。  
閣上掩書劉向去，門前脩刺孔融來。  
崤陵路靜寒無雨，洛水橋長晝起雷。  
其羨府中棠棣好，先於城外百花開。

同白二十二贈王山人

愛名之世忘名客，多事之時無事身。  
古來相傳見未久，歲年雖變貌常新。  
飛章上達三清路，受籙平交五嶽神。  
笑聽鼈鼈朝暮鼓，只能催得市朝人。

題集賢閣

鳳池西畔圖書府，玉樹玲瓏景氣閑。  
長聽餘風送天樂，時登高閣望人寰。  
青山雲繞欄杆外，紫殿香來步武閒。

曾是先賢翔集地每看壁記一慚顏

杏園花下酬樂天見贈

二十餘年作逐臣歸來還見曲江春遊人莫笑白頭醉老醉花間有幾人

和令狐相公初歸京國賦詩言懷

凌雲羽翮掞天才揚歷中樞與外臺相印昔辭東閣去將星還拱北辰來殿庭捧日影纓入閣道看山曳履迴口不言功心自適吟詩釀酒待花開

曲江春望

鳳城煙雨歇萬象含佳氣酒後人倒狂花時天似醉三春車馬客一代繁華地何事獨傷懷少年曾得意

和令狐相公春日尋花有懷白侍郎閣老

芳菲滿雍州鸞鳳許同遊  
花徑須深入時光不少留  
色鮮由樹嫩枝亞爲房稠  
靜對仍持酒高看特上樓  
晴宜連夜賞雨便一年休  
共憶秋官處餘霞曲水頭

和樂天南園試小樂

閑步南園煙雨晴遙聞絲竹出牆聲  
欲拋丹筆三川去先教清商一部成  
花木手栽偏有興歌詞自作別生情  
多才遇景皆能詠當日人傳滿鳳城

和樂天春詞

新妝宜面下朱樓深鎖春光一院愁  
行到中庭數花朵蜻蜓飛上玉搔頭